

四庫全書

集部

欽定四庫全書

陵川集卷十四

元 郝經 撰

律詩

升賢村二首

東粟荒山脚懸崖石作牆  
共言長樂老此是讀書莊  
五季乾坤黑三綱道義亡  
誰云不直死更請問歐陽

兩嶺青林夾孤山  
黑石圍雲攜疎雨  
過風約斷虹飛為

告奸雄更難逃筆削譏荒村好終老白首竟忘歸

張燕公讀書臺

石窟煙龕黑懸崖隱斷碑崢嶸大手筆突兀小須彌天  
入無邊濶山臨欲盡危祇應秉釣日憶得讀書時

寓感二首

天運不可測人心空自疑茅廬與耕釣遭遇亦其時火  
鼠能為布冰蠶自吐絲區區路傍馬笑殺抱關兒

前途如閭室長夜老乾坤怪字書衾裂繁雲蔽月昏悠

悠心曷展落落志仍存反側不成寐西風葉打門

過友人故居

不見青雲士唯餘數畝宮斷牆藜蘆滿破屋子孫窮肝  
膽交游在文章事業空舊時同坐榻閒卧夕陽中

送王國範北上

一別恒陽下雲霄忽羽儀恥為州郡屈直結帝王知歲  
月不我與河山空自奇黃塵愧先達感槩入新詩

送宋和甫從軍

北陸開新運，爭依日月光。一時乘變化，萬里快騰翔。碧海轉鯨背，青雲列雁行。春風吹錦浪，好去看三湘。

下泰山題真君觀壁

黃峴趨迴馬，州人競捧觴。忽驚天上夢，猶帶日邊光。絕頂秦碑裂，陰崖漢柏香。行行重回首，瞻仰意難忘。

開平新宮五十韻

日月旋天蓋，星辰合斗樞。光騰掌內鐵，氣繞澤中蒲。金帛羞重賜，弓刀奮一呼。真人翔灞上天馬，出余吾尺筮。

初開闢羣雄競走趨無勞為更舉乘勝即長驅蹴踏千  
年雪驍騰萬里駒長城衝忽斷弱水飲先枯肅殺威靈  
盛驅除運會俱寰區塵瀕洞天地血模糊地盡諸蕃外  
兵窮兩海隅九州皆瓦礫萬國一榛蕪誰與重休息徒  
為妄駭吁治平須化日殺伐豈良圖聖子曾當璧神孫  
曾握符鐵山深蘊玉瀚海特生珠厯數終當在謳歌信  
不誣欲成仁義俗先定帝王都畿甸臨中國河山擁奧  
區燕雲雄地勢遼碣壯天衢峻嶺蟠沙磧重門限扼狐

侵淫冠帶近參錯土風殊翠擁和龍柳黃飛盛樂榆岐  
山鳴鶯鶯翼野牧駒駝風入松杉勁霜涵水草腴穹廬  
罷遷徙區脫省勤劬階土遵堯典卑官協禹謨既能避  
風雨何用飾金朱棟宇雄新造城隍乞力扶建瓴增壯  
觀定鼎見規模五讓登皇極羣生賜大酺還聞却走馬  
即見弛威弧簡策詢前代弓旌聘老儒恢弘回一氣微  
倖絕多途雷雨施龐澤乾坤洗舊汙直為提赤子遂使  
出洪鑪遠檄收疲薳

音

你窮邊罷轉輸江孺遺鄂岳石窟

棄巴渝刀槩存殘骨膏粱換毒痛却令逢有道免使叫  
無辜契濶還同室鰥惻得字孤八荒皆壽域六合極歡  
娛白叟休垂泣蒼生獲再蘓只知期用夏更擬論平吳  
旭日冰天透仁君雪國無終能到周漢亦足致唐虞遇  
主得知已逢時合捨軀弭兵通信誓奉詔敢跼踟頓覺  
心田豁還將肝紙刻行行重回首瑞氣滿闔閭

不寐

夜久不成寐蒼茫自詠詩客懷三月老春信野梅遲喜



子垂牕隙燈花落硯池祇應有行色失語問何時

春夜

春雨江湖夜東風花柳寒舉頭不見日何處是長安歲  
月經星節乾坤遶血盤控奉紛愈甚排難古來難

儀真館中暑一百韻

五載淹江館三年錯雨暘熱中蒸滯氣涸輟斷枯腸黑  
井鹽煎火紅爐鐵鍊鋼幘幪加誕罔坎宮觸機張直壯  
無身慊窮堅著命當鼻煙從燎炬溝汗盡翻漿噎寒難

通七摧頽懶揭裳沾濡粘弊屣展毒螫上空牀甌擁輪囷  
肉瓶熬感沸湯噉噉氣尤偃呌吼怒如狂曉瘴煤生柱  
晴霾土抹牆片雲遮日薄疎雨灑晴忙熒惑凝青血長  
庚迸赤芒槁天高破碎乾月死昏黃翕煇渾無露萎焦  
似有霜燕呀棲不壘鳶跼音喙隋難翔雷殷轟蛟塔沙生  
閭域槍飛螢空自燭戰蟻竟深藏盤礴推腰脊低垂塌  
目眊本來觀化日誰使遇愆陽風土聞南國江山異朔  
方豈期惟酷烈無處別炎涼故國包全晉吾家壓太行

高寒雄地勢瀟灑靜雲莊六月衣冠冷千年草木香長  
松撼潮海絕壁隱虛堂却到燕山北行歌易水傍雁霜  
凋夏木鳩雨潤春桑聘幣輝光重徵車道路長沙陀瞻  
帝里雪谷拜天王的燦星銜凍嚴凝日隱光羣雄奮冰  
窟六合入瓊囊半世無蒸涇于今重禍殃襟裾堆蚤虱  
肘腋沸蜩蟬豈免泥塗辱還令羽翮戕甘言雖未已毒  
手益難量夾柵仍規覘重圍更限防塹門深虎圈擊柝  
開魚柳箱逼鑪錡密枝梧甯吻荒釜驚烹則易刀俎食

非強氣數俱臻極天人盡反常旱灾綿歲月禍本入膏  
盲重怒非長策佳兵甚不祥柳榆肆巖阻鄙外極戎羌  
信誓猶然在明徵固未妨但令心匪石儘自口如簧喟  
嘆愁仍積吁嗟氣不揚行人竟何罪國體豈無傷反已  
私尤責知微實愧惶逢時當際會援溺止懷襄自縛懸  
難解輸人律石藏惡心煨肺腑畏景急炮塘欲掘陰山  
鼠翻思雪窖羊履危從蹇剝挺節不低昂伊昔當崇慶  
金源復靖康白虹纏帝座紫電激天狼傳說騎箕尾王

良策駟房一龍轟霹靂萬馬快騰驤厯塊無完國蜚鋒  
舉斷吭纔聞過燕趙又已出河湟此際通和好惟時正  
擾攘渾如沃薪火大似堰流糠狼籍三峯敗顛連五國  
亡濟師攻汴蔡徵節到餘杭海上盟空濶城南事渺茫  
劍關開要害淮海失城隍寓縣餘骸骨乾坤一痛瘡百  
年血肉運萬里戰爭場邊將徵功賞兵人藉糗糧居然  
忘厄會但請復侵疆虎怒寧須激鯨吞更請嘗肌膏坐  
銷鏐節鉞漫熒煌破屋渾生亂音方畦孰插秧蘼蕪沒

洲渚潢潦漫陂塘莽蒼人何在陰森鬼正偃雁兵秋滾  
滾魚窟夜遑遑豈忍仍擠石無為更藥瘍櫓槍闌三紀  
絲泉紊千箱已亂仁明出中興祚膺昌勝殘須必世奕  
葉始呈芳秦府鳳鱗質周家金玉相河山收殺氣雲漢  
煥文章潜邸人皆仰春宮德益彰厭兵符太母歸馬勸  
先皇禮樂尊周孔聲名慕漢唐恢弘張治具突兀振乾  
綱駿發輸平急鋪敦大命將奉書祇局脊馳驛敢彷徨  
加額人皆賀摩肩衆所望只今全父子無復痛孤孀延

入拘營壘周羅匝廡廊只將人桎梏不用鐵銀鐺龍節  
埋泥穿孤涎汨土甌焚身無取齒避竈宜爭煬炎赫惟  
加熾風颭不許涼祇愁化灰燼何處薦珪璋天問終無  
語冥搜未易詳艱屯果誰敢壞亂實難匡有賦誇鸚鵡  
無媒獻驢驪何當快風雨吹去卧滄浪

二月二十三日猶在儀真館三首

向晚日華紫殷然轟夜雷龍蛇開蟄窟桃李動春臺淚  
逐催花雨心同潑火灰何由復龍動百感坐中來

一年淹使節二月駭春雷瘴入江心黑雲銜雨脚灰壯  
心還激烈滯氣忽竊開明日誰聊賴鶯花故惱來

二月還如夏炎蒸鬱震驚迅霆侵骨冷飛電透心明海

氣霑余涇江聲拍枕平從今休禁火一雨萬家生

是月初二

日火二十日丑刻火午刻復火一月凡三  
火獨遺舍館及漕臺州治在故有是句

### 月夜感懷

去國青星歲無家阻萬金江山沉苦思花月動哀吟  
故空長策蹉跎惜此心遙憐燈火罷兒女夜愁深



江暑

地軸風濤浸吳門江海流四時長似夏一雨便成秋煙  
潤青紗幕香濛白氎裘燕山猶避暑今日向江頭

壽何待制

歲月閑丹竈乾坤坐白頭幾迴看北斗何日見西周盤  
谷蘭花老天壇桂葉稠會當逃世網共與赤松遊

雨中感懷

舍館年年老江邊日日陰雨聲便熟睡花氣動幽吟樹

密鶯愁溼庭荒雀畏深晚風吹鼓角慙愧弭兵心

薄莫二首

薄莫秋雲合江聲靜裏來無聊空徙倚失志重徘徊細  
雨金桃落疎煙玉鳳開相看如夢寐觸物總傷懷

棘柵今年改庭隅展半陰草依斜徑短苔入後墻深歲  
遠人空老時危事益沉頻頻問烏鵲何日有佳音

曉起

傍枕衾裯薄還家夢亦難月華終夜白江氣先秋寒心

苦天為碎辭窮海欲乾  
起來看北斗何日見長安

聖節

六年瞻北闕八月拜西風  
冰雪天王聖河山帝業雄  
但令旄節在焉問酒樽空  
屬國歸何晚浮江有阿童

壽劉詳議

甲子數盈亥神強志不衰  
共知憐絳老誰與問鍾儀  
萍梗三朝夢乾坤兩鬢絲  
得年萬事足爛醉復何辭

江雲

江雲似江水渺渺復粼粼  
晝靄無窮態紆餘不盡春  
遮回斷行雁望殺未歸人  
何日星軺路馮高更憶親

新館感春四首

東風吹敝褐水氣撲虛簷  
月窟星河澹江城鼓角嚴  
年深愁不醒春至恨猶添  
為問秦通守何顏說錦簾

行李金昏節腰圍玉樽韉  
居然隔天日不許出門庭  
歲月侵霜鬢乾坤誤六經  
誰邊覓春色牆上草還青

佇立無人語巡簷思慘然  
夜江寒浸月春樹暝生煙  
計

拙仍持節途窮擬問天難為繞指鐵萬折志彌堅  
憶昔清明際昏昏醉裏身吟魂半牕月花影一簾春豈  
意傷心別空勞入夢頻漫聞烏與鵲悵望幾迴嗔

丁卯夏六月大雨震電

雨連江表黑電入海東紅川瀆翻冥漲乾坤破猛風忽  
開金碧界幻出水晶宮我欲乘時去長歌向此中

八月九日甲子夜雨

久旱雨亦好還霖甲子秋陰森當月黑黯黯作天愁北

海涵疑落西風浩不收凜然寒入骨鄉思滿牀頭

九月五日念母

思子甚思母祇應淚更多尚無歸國日其奈倚門何江  
漢悲溫嶠詩書愧孟軻今朝誰獻壽庭戶可張羅

戊辰寒食

今歲明寒食梨花月正圓客愁催我老春色向人偏強  
飲稽留酒難辭簇送筵杜鵑休浪語歸去更何年

贈魏斌

熊虎無堅對風雲滿義襟每將孤劍說但惜二毛侵貫  
日臨危節曉天討賊心中原有期運莫畏歲華深

傳易有感

故國河山表中原斗極邊稽留深失計還反竟何年風  
雨纏孤劍塵埃委斷編漫窮西伯易誰好子雲玄

壽正甫書狀往歲正甫壽予以詩今歲復用其  
韻以壽之

繾綣心尤壯崔嵬志不遷雖云冤土窄猶有片天圓吾

道艱危久君才賦予偏抗秦完白壁禦寇冠青氍遂使  
干旄在終當斗印懸物窮寧不返期逝未為愆在我都  
無愧從渠遂弗悛風雲纏怒虎霹靂隨寒蟬真玉千燒  
冷渾金百折堅十年仍齧雪一念久通天莫信枉能直  
誰言典則全會將乖顛扶還把怒鬚編得失兩端了安  
危一著先冥區初罔象陸海本忘筌日月圓機轉乾坤  
大器埏音屈伸成變化來往共回旋困極難移石潛深  
可脫淵九原驚奮迅八表會飛鸞蘓武終歸漢田疇不



負燕河山生喜色戲綵舊堂前

新館夜聞杜鵑二首

啼落深江月催殘故國春不堪多恨鳥偏聒未歸人血  
盡腸應斷哀餘聲更頻關心尤入耳一枕夜愁新

久客難勝感那聞泣血禽乾坤心緒苦歲月鬢毛深亡  
國元多恨催春漫好音館人將赭樹何處沒青林

壬申二月四日二首

庭雨滋春草江煙溼落梅病多剛斷酒席合亦持盃氣

數冥難測乾坤莽不迴還看仍焰焰未肯著寒灰  
戍鼓晚來急春潮夜有聲燭花侵坐落梅影上窻橫小  
酌歡尤洽孤吟興愈清最憐星散後一枕故山情

病中即事

久客難堪病衰顏倍覺秋空杯仍自舉隋甌復何求兩  
度交金火連年犯斗牛道窮還遇此安得見西周

十二月十七日大風雪

海立陰風黑水牀報雪威紛披平地袞攪擾半天飛牕

隙楊花亂簷前穀穗肥還聞八千騎飽肉飲江歸

俗謂冰顆

為冰牀有則有大雪又謂簷前冰挂為穀穗長大則豐年之祥也

癸酉閏六月十三日夜病中聞笛二首

深夜涼風發迢遙送笛聲只愁江月破不放野雲行  
怨曲人多感離腸恨易生病中催坐起傾側若為情

斷續誰家笛噫嗚入耳偏燕山記疇昔江館是何年  
餘響星河外羈魂月露邊那堪更三弄老淚已如泉

陵川集卷十四

欽定四庫全書

集部

陵川集卷十五

詳校官中書<sub>臣</sub>孫溶

主事<sub>臣</sub>呂雲棟覆勘

總校官編修<sub>臣</sub>王燕緒

校對官中書<sub>臣</sub>高 中

謄錄監生<sub>臣</sub>許 容

欽定四庫全書

陵川集卷十五

元 郝經 撰

七言絕句

滿城道中二首

溪水隨城陡屈伸，夕陽亂閃碧金鱗。  
沙堤帶草烏啼健，山色逼人詩句新。

十二西郎縹緲中，顏行壁立挿晴空。  
欲攜天地諸山去，

不逐秦鞭過海東

抱陽寺

孱顏蒼玉抱幽村  
突兀雙龍窟  
宅尊回首萬山東  
盡處冷煙平遠半乾坤

郎山

晚風吹散樹頭雲  
斜日燒開水外村  
十二西郎來馬上  
翠鋒蒼戟倚天門

九日郭外二首

溪上蒼煙一道開  
誰家日夕採菱回  
片帆不舉波間過  
無限好山波底來

萋萋宿草暗荒丘  
落日徘徊上上頭  
一曲悲歌天地窄  
怪人獨鳥入長楸

讀張良傳

顛羸滅項復韓讐  
便與赤松方外游  
丞相蕭何功第一  
白頭不免漢家囚

讀則天紀

則天未了立韋后武惠纔薨冊太真誰使唐家多女禍  
晉陽宮裏舊宮人

讀唐文粹

琅琅玉振粲珠光一代雄文照李唐底事平淮碑一首  
文公不載載文昌

醉後二首

何須黑白太分明不必區區話獨醒四海蒼生皆醉飽  
我將荷鍤學劉伶



誰將元氣釀春風  
解潑愁人磊砢胃  
只是忘憂不忘國  
徑當一飲竭千鍾

張侯宅新竹四首

斫盡凡材直幹生  
脫綳直欲與雲平  
珊珊夏夏風來去  
常有湘江夜雨聲

孤根北地久難生  
全仗扶持長育成  
敢借他年數梢力  
掃除氛祲見澄清

疎陰杳杳色霑衣  
恰似瀘溪月下時  
可恨一枝高更秀

背人偏被惡風吹

四座清陰上綺羅  
交青雜翠嫩煙和  
閒花閒草遙相映  
更覺森森逸氣多

讀晉武紀

恰下曹丕受禪臺  
賊臣女寵競姦回  
夕陽亭上一杯酒  
又喚五胡諸夏來

即事

一簇花枝開酒卮  
兩家佳婦與佳兒  
半生失意元多感

更見男婚女嫁時

獨酌

歌罷長歌酒自傾  
休嗟屈子愛劉伶  
如今識破人間事  
獨醉從來勝獨醒

蠶

作繭纔成便棄捐  
可憐辛苦為誰寒  
不如蛛腹長絲滿  
連結朱簷與畫欄

西園姚黃

四圍國色鬪新妝一本當中淡淡黃三十六宮簾盡捲  
沉香亭下看明皇

題明皇私語圖

一旦妖姬屬亂兵當時私語竟何成祇應蜀道蒙塵日  
悔不終宵問賈生

題芙蓉盆

戊申秋道士李師於中山治所後堂故基得東坡先  
生雪堂圖書青玉潤瑩隸法鏤截四面各五分方停

無紐蓋先生帥定武時所遺也九月五日觀于芙蓉  
盆雪浪碑下因書一絕以寓感云

辭却金鑾到雪堂中朝無復漢文章不須更論青苗戶  
丈八盆邊醉一場

羽扇

天山雪鵲落霜翎更比冰紈分外輕五丈原頭兵十萬  
縱橫奇計指麾成

大風

土囊都不辨雄雌直把乾坤怒一吹我欲乘時起鵬運  
北溟飛去到天池

三臺懷古二首

衰草遺臺尚幾層荒涼無復艷歌聲西陵儘有千年臭  
費盡衡漳洗不清

涕泣呻吟後事多高臺空著總帷歌一時姦偽雖難辨  
爭奈天長地久何

蘓門八詠

百泉

碧玉山前玉鏡明  
亂山倒影睡龍驚  
蹴翻貝闕光零亂  
萬斛明珠儘一傾

湧金

雲容天影與山光  
一片飛來浸夕陽  
萬古婆娑金世界  
海神擲向水中央

梅溪

竹外青山竹裏泉  
嫩寒風力妥輕煙  
誰將景與詩人會

正是梅花欲雪天

卓水

竹梢低處見共山一水環流萬竹間  
饑鳳不來空闕苑  
晚風吹碎碧琅玕

嘯臺

肉薄羣狐尾血腥一天自作鳳凰鳴  
閨風吹斷無消息  
老樹遺臺萬古情

仙人迹



八表遨遊入太清  
世塵十萬盡縱橫  
翛然物外誰曾見  
無跡無蹤是善行

安樂窩

不見先生二百年  
老雲石室鎖荒寒  
當時一理元無間  
何事都將四段看

月臺

飛仙挾月下崑丘  
擲向山頭更不收  
却被巨靈偷桂魄  
太行山色照神州

陳橋門

一片黃袍著帝躬六軍謀逆爾何功  
太平三百年基業都在當時涕泣中

龍德故宮懷古一十四首

常怪韓王智數多不從太祖據山河  
黃流豈是天為斬青屋誰知是帝羅

國是當時總是非強將商鞅作皋蘇  
莫言天變渾無畏不見雷轟黨籍碑

蔡京姦計假荆公紹述雖同事豈同不向嶺南消禍本  
更從海上立奇功

禁絕蕪文碑盡磨中原不使見東坡牛童馬走能傳誦  
若比燒時數更多

覺察伊川不著書更將偽學重相誣至今江左傳伊洛  
依舊堂堂一大儒

錮黨紛紛快老姦敗盟更欲復燕山當時若使無邊釁  
不在權臣即宦官

人間未省有金國地底唯知幸鐵樓忽見城頭鷗鵠舞  
賣花聲斷不勝愁

萬歲山來窮九州汴堤猶有萬人愁中原自古多亡國  
亡宋誰知是石頭

復國誅讐事宜難背城借一據河山汴梁更不回頭望  
直送枉黃到浙間

少康一旅便南奔畀付英雄國可存宗澤云亡李綱罷  
衣冠不復到中原

却許邦昌為紀信，渾將秦檜作程嬰。  
甘心江左為東晉，長使英雄氣不平。

金人不敢駐幽燕，劉豫猶令帝八年。  
若守汴梁和且戰，關河一半尚能全。

建炎新焰起江東，冤血青城尚幾重。  
閩越兩王還有後，天教太祖繼高宗。

帥府雄開不即真，宋州躍馬趣曹門。  
只將京國為根本，百戰能令社稷存。

宮人斜

椒壁摧頽隱野蒿  
妖狐鴛鴦噪空壕  
美人一夜為黃土  
邨國夫人甲第高

宿邯鄲

青蔬白飯力加餐  
且慰行人行路難  
莫向夢中還說夢  
世間何處不邯鄲

射雁

驚鴻數點亂長空  
金鏃高穿帶響雄  
部曲盡看鞭指處

冷雲一字落秋風

味真庵

世間有味非真味味到無時却是真一食萬錢難下箸  
簞瓢陋巷是何人

感興

不得意事十八九可與言人百二三無慮無愁一樽酒  
短屏高枕日東南

帥正堂

秋渚芙蓉澹澹香  
新亭爽氣釀新涼  
晚風吹斷溪南雨  
一片金煙掛夕陽

曉渡沙河

馬渡潺潺石子灘  
山頭曉月爛銀盤  
一天清興重回首  
霜露滿鞍風水寒

長蘆舟中遇風四首

海風栗栗刮鯨涎  
吹裂西南一半天  
暝色忽開隨酒散  
浪花和月上船舷



鏗鏗急雨射狂瀾兩岸陰風蔓草寒雲脚半天拖海氣  
斷虹忽落著飛湍

杯盤楚楚下中流風順帆輕暮靄收忽憶黃河轟斂日  
翠綃涼月轉船頭

斤鹵誰知草木蕃桑連平野麥連村漁人遙指碧雲際  
碣石東邊是海門

贈漁者二首

一尺新魴綠柳穿漁人饋我不論錢斫開細雪銀膏瑩

旋折黃蘆熟晚煙

短短蘆芽小小蒲臨流舉網得嘉魚  
船頭撥刺猶然活  
試問前村有酒無

曹南道中憩關帝祠書事二首

傳聞哨馬下江陵青草湖南已受兵  
關帝祠前重回首  
荊州底事到今爭

白汗翻瓶馬不前綠陰還得解鞍眠  
塵容突兀祇何事  
六月長途又一年

寓目

錯莫坤靈慘不春  
槍攘戈戟鬧風塵  
可憐萬里中原土  
一段荆榛愁殺人

秋夕

心事悠悠逐去鴻  
夢魂渺渺入西風  
無邊木葉無窮恨  
一夜秋容滿鏡中

宿黃陂縣南

茅屋歌斜竹逕荒  
稻畦殘水入方塘  
營屯未定斜陽下

雁點秋煙不著行

稻糯今年分外成家家準備樂昇平誰知未獲還拋却  
天著豐年待北兵

賢王渡江

魚入王舟動日華水天一片紫金霞渡江千古誰能得  
恰到中原第四家

渡江中流贈楊宣撫

策馬南來便渡江臨流舉酒望賢王舟中賴有婁師德

無浪無風到潯黃

幽蘭軒

手殺官奴志自強孤軍百折竟天亡  
君臣義盡平日死絕勝迎降軹道傍

太白入斗

聞說長庚是使星近來偏向斗牛明  
天宮太史無多語玉帛交馳不用兵

宿舊縣

故盱眙也

無風無浪片帆輕  
總道昇平在此行  
却向淮南望淮北  
斷鴻聲裏斷煙橫

勝游

好處相逢是勝游  
兩年霜後到江頭  
盃盤狼籍西風老  
橙橘香中過一秋

邵伯藕

蛟人折向水晶宮  
却著金刀截玉筒  
齒頰冰漿流不盡  
灑然嚼碎雪玲瓏

霜後芙蓉

憔悴江頭秋牡丹  
南人棄擲北人看  
明妃出塞胭脂冷  
霜滿琵琶淚滿鞍

燭花

江城深夜作輕寒  
金粟堆盤蠟炬殘  
應是燈花憐久客  
故隨人意報平安

聞歸鳥

來時隨雁向南來  
雁北回時人未回  
至竟行藏宜由已

且添溫水浴疎梅

正月三日見月

小雪初晴卵色天  
虛庭搖曳動江煙  
忽聞歸雁驚回首  
新月梅梢又一年

送江梅還伴使

坐席凝塵晝掩門  
客懷牢落阻江濱  
春來不見花消息  
却著殘梅送主人

凌晨



凌晨聽鵲暮聽鴉夢裡關河枕上家應是皇州春色滿  
膽瓶昨夜也開花

感興

鞍馬匆匆改館來芙蓉開罷海棠開梁間笑殺新來燕  
去了重來尚未回

佛頂橙

玉人解作軟金盃刻盡金犀氣未回滿酌瓊醅歌水調  
碧雲高興一天來

儀真館後園栽葵

開徹莢葵夏景深半牆紅錦卧堂陰  
雨荒苔老無人跡  
傾盡區區向日心

揚子

揚子江邊不見江江聲隨雨入寒牕  
憑誰載酒尋蘓二  
赤壁磯頭白鳥雙

館中春晚

春去春來總不知楊花誰使入簾帷  
偶然得句還驚悟

却是今宵夢裏詩

花落深庭日正長  
蜂何撩亂燕何忙  
匡牀不下凝塵滿  
消盡年光一炷香

八月十六日曉起見月

冷雲收盡月當西  
過却秋宵已失期  
何事天公太相妬  
只教人看不圓時

聞雁

觸處關心總可傷  
五年束手坐空堂  
江深月黑風雨急

一雁飛鳴有底忙

橄欖

半青來子味難誇  
宜著山僧點蠟茶  
若是堯家金帳底  
只將金橘送流霞

江靜

江靜天寒不啟闌  
梅華開却月丹殘  
擬將斗柄占星歲  
牕隙簷頭細細看

梅

欲吐檀心却倒垂  
梅花只看半開時  
折來細嚼還重嗅  
歌罷離騷更詠詩

憶酒友

三年獨酌楚江濱  
醉裏乾坤夢裏身  
周顗近來添一斗  
坐中不見洛陽人

喜雨

過時無雨已為災  
七月纔聞起怒雷  
但得山田稻畦滿  
不須霧霈入城來

不寐

夢境都非得意時  
覺來誰與論襟期  
蟪蛄竟夜不成網  
費盡千絲與萬絲

十樣小菊

孤根如線耐霜侵  
浪蘂還開玉與金  
為問西風緣底事  
一枝同氣不同心

館人餽雁

持節江頭久食魚  
館人供雁意踟躕  
呼兒細看雲間足

恐有中原問訊書

芙蓉小酌

輕紗白紵不勝單  
繚亂江雲作小寒  
乘興更須傾一斗  
芙蓉宜向雨中看

窻池

半池泥水不曾清  
一撮魚針也自生  
好雨竟無風日惡  
門前空說大江橫

二月一日雨中看梅

紫樹青條玉幾叢半開半落不禁風看梅何必前村雪  
二月江南煙雨中

示馬德璘

當年駐馬石牀邊老父相逢已結緣須向桑田最佳處

掛冠神武卜終焉

乙卯秋食于廣平逆旅一老父挾方書數策與之語達者也及使宋其子

德璘從行似不偶然故為示此

示孔晉

十五從戎已自奇更當磊落振襟期咸寧曾建中興業



本是汾陽帳下兒

丁卯歲元日

青春白髮坐相催  
草草杯盤淺淺梅  
爆竹煙寒簫鼓噓  
隔牆飛過紙錢灰

真州沙瘴

侵曉煙煤半抹牆  
急燒煮酒嚼鹽薑  
真州城裏多沙瘴  
人道淮東小法場

立秋夜有感

月邊一夜火西流雲白天青萬里秋朔雁今朝離瀚海  
定從何日到江頭

丁卯新館寒食無花四首

折殘魏紫戴姚黃香盡河陽與洛陽剛向江頭覓春色  
幾年孤館對空牆

四圍擊柝鎖重扉春去春來總不知腸斷東城中酒後  
春衫走馬拂花枝

八年寒食總無家三月清明不見花屋角映陽看薺菜

牆陰撥土覓蒿芽

陽和渾不到空齋  
深院無人長綠苔  
為報監門暫開鎖  
少分春色入門來

館內幽懷

狂花野夢滿疎籬  
恨殺絲瓜結子稀  
獨立無言解蛛網  
放他蝴蝶一雙飛

伴使西計議送牛酪

深凝碧椀玉脂香  
輕結酥皮蠟面黃  
斫雪徑調傾一椀

大江忽在鐵林傍

新館木犀

欲將金粟插銀壺  
沉麝看來氣韻麤  
為問西風能記否  
好香曾到故鄉無

觀哺乳燕

黃口啾啾競食時  
一雙忙殺尚嫌遲  
遙憐待哺諸兒女  
更比烏衣分外飢

觀牡丹菊有感

黃花喚作牡丹菊又喚芙蓉秋牡丹幸自拒霜全晚節  
強為春色亦應難

戊辰七夕

只見星杓掛月鉤銀河依舊隔牽牛遙憐玉雪佳兒女  
淚滿西風乞巧樓

戊午歲作一貫圖戊辰冬十月晦始成

十載方成一貫圖恍然才見未生初仲尼沒後遺言絕  
且讀遺書莫著書

讀堯典

關雎風雅三千首堯典文章第一篇從此聖人都不說  
且休便論伏羲前

讀王旦傳

禍本誰知自二王王清未了又儲祥一瓶珠賣萬人命  
剃髮披緇未易償

即事

網羅蚊蚋一蠨蛸終日經營何太勞縱好未能包六合

大鵬依舊九天高

蒸開柳眼中宵熱落盡桃花半曉霜五月綿衣休便送  
江頭天氣不尋常

夢遊木香洞府

月牕青錦麝塵寒夢遠煙條露藥看但覺身輕似蝴蝶  
種香風物異槐安

暮春二首

揚子楊花雪打門運衙花樹綠藏人花開花落年年事

看取人間不盡春

重圍雨久塌蒼苔火鋪喧呼著棘栽唯有東風難禁約  
隔牆吹過落花來

五言絕句

同闕彥舉南湖晚步四首

月出東南隅湖湧黃金波清風颯然至奈此良夜何  
太白吐金氣水樓清霽寒悠悠半滄海月出浮雲端  
荷花臨水殿綺月轉簾腰晚吹動銀管暮涼生翠綃



清風凌八極虎豹天門開長虹忽中斷海窟明月來

送闕彥舉

長風吹短褐浪起魚龍腥萬里一樽酒送客東湖亭

促織

亂聒霜前夜忙催機上秋無衣汝何益重作旅人愁

曉寒

列列牕分曙霜雞噤不鳴只疑滄海凍還使日難生

即事

短衣歌永夜長劍倚高秋近愛東家子無憂樂白頭

大城南

柳拂春煙白花融曉日紅蕭蕭玉銜馬沙上踏輕風

陵川集卷十五


欽定四庫全書

陵川集卷十六

元 郝經 撰

圖說

太極圖說



易大傳曰易有太極是生兩儀兩儀生四象四象生八卦八卦定吉凶吉凶生大業至宋濂溪先生周茂叔推廣其義作太極圖而為之說夫大傳之言固自有次第

雖未為圖而圖已具乎其中矣易有太極即此也○是

生兩儀即此也◎

陰靜陽動

兩儀生四象即此也



四象生八卦即此也○

坤道成女乾道成男

八卦定吉凶吉凶生

大業即此也○

萬物化生

茂叔乃為此圖圖指明其次第以太

極本無極為天地人物五行根柢以動陽靜陰為太極

妙用分陰分陽為太極體段陰陽既分則兩儀立兩儀立則二氣五行行乎其中而八卦成列太極之跡著矣乾統三男坤統三女善惡分而吉凶定太極之功用無窮而人道立矣是以死生化萬物吉凶生萬事而太極之大業成故易窮則變變則通通則久此為圖之大旨也其說曰○無極而太極◎

陰靜  
陽動

太極動而生陽動極

而靜靜而生陰靜極復動動極復靜一動一靜互為其根分陰分陽兩儀立焉



陽變陰合而生水火

木金土五氣順布四時行焉五行一陰陽也陰陽一太

極也太極本無極也

坤道成女  
乾道成男

五行之生也各一其性

無極之真二五之精妙合而凝乾道成男坤道成女○

萬物化生

二氣交感化生萬物萬物生生而變化無窮焉惟人

也得其秀而最靈○形既生矣神發知矣◎

陰靜  
陽動

五性

感動



而善惡分

坤道成女  
乾道成男

萬事出矣○

萬物化生

聖

人定之以中正仁義

聖人之道中正  
仁義而已矣

而主靜

無欲  
哉靜

立人

極焉故聖人與天地合其德日月合其明四時合其序

鬼神合其吉凶君子修之吉小人悖之凶故曰立天之道曰陰與陽立地之道曰柔與剛立人之道曰仁與義又曰原始反終故知死生之說大哉易也斯其至矣無極而太極者包本末貫隱顯一體用極始終而為言也屈信消長之幾氣形象數之蘊命性心跡之原天地人物之理造化之樞紐鬼神之情狀道德之統體無不在焉其曰無極而太極猶曰莫能極盡而莫不極盡焉爾故極者極盡無餘之稱也其上則盤薄無顛而不可窮

其下則滙蓄無底而不可測其外則周匝遍滿而不可出其內則旋緊嚴密而不可入渾淪圓轉而無上下內外開廓布置而皆上下內外含弘天地人物包括鬼神造化混然一大活物旁行而不流無所不往而未嘗去居其所而變動無窮焉聖人無以指名故名之曰太極易之全體大用皆在夫是矣故孔子謂易有太極邵康節謂畫前有易則太極者易之所固有也庖犧所以畫其故文王所以演其故周公所以效其故孔子所以說



其故周茂叔所以圖其故也不畫不演不效不說不圖  
太極自若也而無所損畫之演之效之說之圖之太極  
亦自若也而無所益聖人將明易道必指其故以為法  
於是畫演效說圖之爾學者將求其故必自圖以求說  
自說以求效自效以求演自演以求畫稽諸天地考諸  
萬物本諸聖人反諸吾身混然一太極皆吾所固有而  
後可以言易矣六經無無極二字出於老子知其雄章  
先儒謂周子得是圖於穆伯長伯長之傳出於陳希夷

希夷初為老氏之學故以無極冠太極雖然作圖之義本於易不本於老子言太極之本然無聲無臭而無所不具無所不極雖非六經所有假以明道故謂之無極而太極非太極之外復有無極也太極動而生陽動極則靜靜而生陰靜極復動動極復靜一動一靜互為其根分陰分陽兩儀立焉者言太極之體以一具兩而本靜也靜極則動動極則靜所以為兩靜者動之根而動者靜之根互為其根如環之無端所以為一造化之幾

生而理具夫是矣動而生陽靜而生陰動靜為陰陽之  
幾陰陽為動靜之氣變化相乘流行不已各造其幾於  
是分陰分陽一定不易兩儀之象成而氣具夫是矣陽  
變陰合而生水火木金土五氣順布四時行焉者天數  
五地數五五位相得而各有合陰陽動而倡陰感應而  
合陽一變而六陰合則生水陰二合而七陽變則生火  
陽三變而八陰合則生木陰四合而九陽變則生金陽  
五變而十陰合則生土互變互合迭陰迭陽相生相克

而成五行陰陽氣也五行質也質具乎地而氣行于天  
故謂之行也二氣變而為五行之氣布而為四時之行  
則人與萬物生而數具夫是矣理入于氣氣形於象象  
別為數而太極之統體具矣自無極至此由本及末自  
隱至顯一極之終也五行一陰陽也陰陽一太極也太  
極本無極也者復自一極之終而反之始也非五行之  
外復有一陰陽陰陽之外復有一太極太極之外復有  
一無極夫所以為五行者祇一陰陽也所以為陰陽者

祇一太極也太極之所本祇一無極也自其分而言之  
則有陰陽五行之別自其本而言之則皆一太極也五  
行之生也各一其性者再推本立說也夫動靜相根而  
陰陽立則命之賦予而不已者也五行變化而陰陽分  
則性之付畀而不易者也分陰分陽五氣順布則水火  
木金土各一太極而謂之性性命之原著矣性命之原  
著則人與萬物自是而出矣無極之真二五之精妙合  
而凝者推本人物之始也無極之真則道之本然也二

五之精陰陽五行之精氣也妙合而凝胎合凝聚精氣  
為物也於是天地絪縕萬物化醇復具一太極而人物  
生矣乾道成男坤道成女者言人物之所以生也二氣  
五行凝聚為物得動陽剛之精者為乾道而成男得靜  
陰柔之精者為坤道而成女乾統三男坤統三女分男  
分女八卦成列人與萬物各一太極而三才具美二氣  
交感化生萬物萬物生生而變化無窮焉者男女構精  
萬物化生人自生人物自生物命流而性正質變而氣

化生生而不窮自無極太極陰陽五行生出人物而人物以陰陽五行各自相生又一極之終也陰陽分而兩儀立五氣布而四時行真精凝而男女成乾坤位而八卦列二氣交而萬物生太極之道於是備矣惟人也得其秀而最靈形既生矣神發知矣五性感動而善惡分萬物出矣者此復自萬物推人道之極也夫人於真精凝聚之處天命流行之際義理付予之時獨得其秀而為最靈得二氣五行之全而備萬物之理所以配乾道

而為男合坤道而成女而其心之神靈復自為一太極  
分陰而形生分陽而神發具水火木金土之氣為仁義  
禮智信之性物欲感動或得或失或是或非善惡分而  
萬事出如萬物之生而為事業亦自為一極之終也聖  
人定之以中正仁義而主靜立人極焉者善惡既分萬  
事既出非修道立教則人極不立故復以聖人立教為  
說也太極之在人其本體則靜其標準則中其位置則  
正其發生則仁其行用則義聖人定此五者使人無欲



而主靜存夫吉善去夫凶惡以全太極之本然則人極立矣故聖人與天地合其德日月合其明四時合其序鬼神合其吉凶者聖人人極之極也德合天地明合日月序合四時行合鬼神則與太極同體而主乎太極矣君子修之吉小人悖之凶者氣質之不同學問之不至故自聖人等而下之又有君子有小人而其德有吉有凶五者有所不至克己脩身以至之雖不能如聖人之自然而不假脩為則可以為吉人君子以保人極五者

有所不至惟欲是從而不中不正不仁不義亂而不能  
靜則為凶徒小人而人極喪矣故曰立天之道曰陰與  
陽立地之道曰柔與剛立人之道曰仁與義陰陽既分  
兩儀既立五氣既布四時既行八卦既列男女既別人  
極既立善惡分而吉凶定陰陽之氣行於天而為天極  
剛柔之質具於地而為地極仁義之性充於人而為人  
極分一極而立三極則太極之功用顯而三才道備兼  
三才而兩之六位時成而太極之全體具易行乎其中

而造化無窮本末具舉始終道著死生之說可知矣故  
又曰原始反終故知死生之說自無極太極發而為動  
為陽為剛為仁則原其始而生也自無極太極復而為  
靜為陰為柔為義則反其終而死也終根于始始根于  
終死根于生生根于死互為其根迎之而不見其首隨  
之而不見其後而天地人物截然而不亂判然而不雜  
混然而不昧開闔變動生生而不窮主張維持泯然而  
無間自天地觀之則天地各一太極自五行觀之則五

行各一太極自八卦觀之則八卦各一太極自人與萬物觀之則人與萬物各一太極合天地五行人物觀之則共一太極一生一死一見一隱而有不生不死不見不隱者存此所謂無極而太極也易之為道至是極矣故復贊之曰大哉易也斯其至矣此圖既本於易大傳而其說皆掇拾大傳之要區以為言以明易之大義大傳謂生生之謂易故每節皆以生言動而生陽靜而生陰陽變陰合而生水火木金土二氣交感化生萬物萬

物生生而變化無窮於其末始言生死以為結以一生  
字貫天地萬物則生者太極之本原也非生則天地萬  
物皆莫得而見也故讀其說但見生意一篇塞于天地  
溢于肝臆一太極混含流轉無一息之或死而發育萬  
物造起天地生生不窮數圈幾字範圍法象自太極內  
推出動靜自動靜內推出陰陽自陰陽內推出五行并  
陰陽五行推出人物自萬物內復推出人自人內推出  
聖人其次又推出君子小人末乃自始終上推出死生

合而為之易以盡易之道仲尼以來無此作也可謂幾  
聖之學矣初宓犧氏畫八易卦而不及五行箕子作洪  
範九疇而不及八卦至仲尼贊易說卦之本謂天地定  
位山澤通氣雷風相薄水火不相射五行在其間而其  
數不備天數五地數五五位相得而各有合其數備而  
不舉為行蓋八卦成列則五行不復見矣故八卦可以  
備五行五行不能兼八卦八卦備三才之道五行則備  
二氣而已是以五行僅為洪範之一法而八卦則具易

之全體所以言卦而不言行也洪範本於人故以皇極  
言易本於道故以太極言故易能兼洪範而洪範不能  
兼易是以此圖上推無極下窮變化中備三才陰陽五  
行八卦人物各分四段太極著二氣之本陰陽著二氣  
之儀五行合二氣之變乾坤男女備八卦之索八卦備  
二氣五行人物之道精粗巨細無不具胷而合之為一  
太極非天下之至精其孰能與於此嗚呼按河圖以畫  
卦先天之易漸著于人道文王備於宓犧周公備于文

王仲尼備于周公由宋以來邵康節圖先天以盡卦之  
理周茂叔圖太極以盡易之道張子厚為西銘合先天  
太極之旨總為人道探於宓犧氏之先繼於仲尼之後  
再造一極而天人之事益備始則天出圖以示人末乃  
人為圖以契天而始終一圖始則以先天為後天末乃  
以後天為先天而先後一天於是太極之道貫萬古而  
無弊焉伊洛諸儒承受開闡推尊擬議以為千載不傳  
之緒不為妄矣





需

巽

漸

益

家人

中

大畜

坎

蹇

坎

北

屯

泰

艮

利

艮

蒙

益

履

艮

利

艮

蒙

益

兌

兌

兌

兌

兌

兌

坤

坤

坤

坤

坤

坤

艮

艮

艮

艮

艮

艮

兌

兌

兌

兌

兌

兌

坤

坤

坤

坤

坤

坤

艮

艮

艮

艮

艮

艮

兌

兌

兌

兌

兌

兌

坤

坤

坤

坤

坤

坤

艮

艮

艮

艮

艮

艮

兌

兌

兌

兌

兌

兌

坤

坤

坤

坤

坤

坤

艮

艮

艮

艮

艮

艮

兌

兌

兌

兌

兌

兌

坤

坤

坤

坤

坤

坤

艮

艮

艮

艮

艮

艮

兌

兌

兌

兌

兌

兌

坤

坤

坤

坤

坤

坤

先天圖說

先儒謂康節先生得是圖於李之才之才得之於穆脩  
脩得之於希夷先生陳搏蓋自宓犧氏畫卦已具此圖  
而未為之圖其意言象數心傳口授至希夷而傳諸其  
徒至康節而遂為之圖示之人而筆之書爾其圖自圓  
而方有畫無文其制作本意則具於皇極經世書觀物  
諸篇其言論風旨則凡而不目曰圖雖無文吾終日言  
而未嘗離是蓋天地萬物之理盡在其中矣曰先天之

學心也後天之學迹也出入有無生死之間道也曰先天之學主乎誠至誠可以通神不誠不可以得道曰先天圖者環中也有是數語而已蓋引而不發欲學者潛心究意以求心法知天地萬物不外此心無畫之卦無體之易無方之神盡在於是則圖亦為筌蹄矣經自束髮問學即以是圖心觀意會迄今二十餘年始則見黑白于紙上後乃見動靜于心中涵茹既久推而放之則見開闔於天地參錯于萬物變化于鬼神重重相因井

井不柰死生消息莫非自然反之于心會為一圖乃申而為之說以明先生之意云按乾之文言曰大人者與天地合其德與日月合其明與四時合其序與鬼神合其吉凶先天而天弗違後天而奉天時先天之文眇乎此仲尼以之贊大人也先生之學大人之學也以為能造天地者太極能先天地者此心也盡心窮理與道不違默執左契無往不合我亦一太極亦能造一天地於是謂畫前有易而以先天名圖先天即太極也故濂溪

先生則圖太極先生則圖先天其原則皆本於河圖昔者宓犧氏當制作之時將造書契以代結繩開斯文之統作易以明道面目太極以為萬世用則必假物以示象於是因河圖而畫卦仲尼曰河不出圖吾已矣夫言雖無圖亦當制作也故伊川見賣兔者謂此兔亦可作八卦宓犧見河圖而畫卦孔子感麟而作春秋取神物之至著者以發端爾故有理而後有象有象而後有數象數既具理在其中而當其可即物而皆可畫也前乎

文犧豈無聖人不當其可雖有河圖而弗畫也後乎文犧豈無聖人不當其可復有河圖亦弗畫也當其可而圖出焉則文犧所不得辭是以畫之以為大經大法之始雖曰後天其實先天也然不知何以為圖何以為畫按大傳河出圖洛出書聖人則之而不言其何者為圖何者為書何以為則書顧命謂天球河圖在東序則河圖乃一物歷代以為寶然亦不知其為何物與其圖之所以制作度數孔子又嘗嘆鳳鳥不至河不出圖終不


知其所以為畫所以為卦周官雖有太卜筮人並言三  
易而亦不言圖書之所以為卦由漢以來孔安國劉歆  
關朗謂大傳之天一地二天三地四天五地六天七  
地八天九地十為河圖去十用九而為洛書遂以  
河圖為八卦洛書為九疇而大傳與書皆無明文  
亦無點誌孔子則並稱河圖洛書聖人則之不別  
為八卦九疇然河圖之數凡五十五洛書之數凡四十  
五而河圖十位洛書九位不知其何以畫三卦八重而



為六錯綜為六十四若以位言則去九與十而一二三四五六七八合夫乾兌離震巽坎艮坤之序然不知其所以為卦所以為畫雖為推衍湊定不免牽合不能合夫畫三卦八之所以然若以生成之數而言則一六為水二七為火三八為木四九為金五十為土祇成五行而無八卦亦無三畫若以五十為衍母一九為衍數則揲著求卦之法非按圖畫卦之本河圖卦之本數著策擬卦之數故謂之衍謂之象謂之參天兩地而擬數衍

則推之象則放之擬則比之也著策出於卦畫非卦畫  
出於著策也夫神生數數生象象生畫畫生卦而後著  
贊神神蘊象象成數數成畫畫成卦十有八變而成卦  
八卦而小成六十四而成大成故卦畫非點誌之牽合河  
圖之象固有之穴犧因而畫之也按大傳曰易者象也  
象也者像此者也圖則圖像云耳易之為畫象河圖之  
像也夫道有一即有二二者一之耦也至於三四五六  
七八九十皆本然之一二至十而終之耳至於百千萬

億皆是也故有靜即有動有陰即有陽有奇即有耦死  
為生根實為虛形地為天體月為日魄莫不兩兩對待  
以成變化而後生生不窮所以為易也故大傳謂天一  
地二天三地四天五地六天七地八天九地十天數五  
地數五五位相得而各有合天數二十有五地數三十  
凡天地之數五十有五此所以成變化而行鬼神也即  
河圖本然天地相錯初無點誌亦無文字祇如是耳



天地象數卦畫著策皆具其中太極為道之物主靜而  
本陰以靜生動以陰含陽故此○即太極所謂天地之

中也從中因起以一具兩一奇為陽◎三耦為陰○陽  
旋轉而上而為天陰翕聚而下而為地相銜相次兩兩  
相因各環乎中內則參天兩地而為五外則參地兩天  
而為十於是是一三五之間而有二四以奇兼耦天中有  
地而陽根陰六八十之間而有七九以耦兼奇地中有  
天而陰根陽參天兩地則陰從陽參地兩天則陽從陰  
於是參伍錯綜互相依附陽伏乎陰陰伏乎陽天依乎  
地地依乎天陰陽相為倚伏天地互相依附陽變陰化

天推地盪開闔聚散擺拉旋轉人與萬物莫不各具一  
天地以本太極三才兼兩卦畫自成不假作為而莫非  
自然故一三五之三天而自為乾二四六之三地而自  
為坤一天依二地而自為震一地依二天而自為巽二  
天間一地而自為離二地間一天而自為坎二天依一  
地而自為兌二地依一天而自為艮太極動而生陽一  
變為天自子變而進信而為神繼道成性左旋行健故  
一天為震二天為離兌三天為乾至午則極奇而窮上

靜而生陰二化為地自午化而退屈而為鬼歸根復命  
右轉處順故一地為巽二地為坎艮三地為坤至子極  
耦而窮下故一奇一耦合而為三錯綜天地為易真數  
陽卦則天包乎地陰卦則地包乎天三奇三耦自成本  
然三畫奇耦相參自成本然六位重卦已在其間矣又  
益之以兩而天地各五者所以極數之終著重卦之六  
為著策之本也太極不動而居中則不用之一也非不  
用之一無以為有用之兩故五天五地各一太極而為


六太極則成始之一十則成終之一天地之數各五而不用者各一故一與十如初上其四則中爻也乾知太始故有一而無十坤作成物故有十而無一分而言之內各具天地之三因一以生三外各因天地之三加兩以成三合而言之天無十因地以成十地無一因天以爲一於是乎奇因十以成耦耦因一以成奇始則陽因陽陰因陰終則陽因陰陰因陽重重相因從中因出如水之漣漪卵之渾淪而無間斷道之體用備內外合胎




而為一別而為兩畫三卦八重而為六錯綜而為六十  
四易於是乎與天地準矣故大傳復曰參伍以變錯綜  
其數通其變遂成天地之文極其數遂定天下之象極  
道之變所以為易固無點誌之牽合也此則河圖之本  
然卦畫之具體具在而未畫未分也故大傳復明畫三  
卦八之所以然曰易有太極是生兩儀兩儀生四象  
四象生八卦八卦定吉凶吉凶生大業夫太極一也  
非一莫能生兩故太極以一具兩為易之樞機天地

萬物之根柢旋轉而生生而又生所以為易而為奇耦  
之原也故一分而為二二分為四四分為八別圖定象  
其序如此

乾一  
兌二  
離三  
震四  
巽五  
坎六  
艮七  
坤八




八卦  
四象  
兩儀



其下之如此○者即圖中之太極以一具兩者也所以動而生陽為此也◎靜而生陰為此也○○此即為奇□○此即為耦■故太極生兩儀■乃圖之天一地二也動靜相根陰陽相乘奇耦相因生而又生一陽一陰生氣而本陽一剛一柔生質而本陰故兩而又兩兩儀生四象■乃圖之天三地四也陰陽之氣各有太少於是為太陽太陰少陽少陰剛柔之質亦各有太少於是為少剛少柔太剛太柔故四而復四四象生八卦■乃

圖之天五地六也祇加一倍分而錯之耳於是分圖立  
畫



以天之一二三地之二四六相交相合為兩儀四象八卦之以次縱加橫分分而為三定易之真數別為上中下以象天地人於是道生一一生二二生三各以兩抱一成變化行鬼神定吉凶生大業而發育萬物開闔天地□者如此一為畫而為陽剛一者如此一為畫而為陰柔自二而四自四而八三變而成奇耦三畫自具八卦遂盡三天三地之變乃分圖立卦

太柔 太剛 少柔 少剛 少陰 少陽 太陰 太陽

柔 剛 陰 陽

陰 陽

耦 奇



五天天



奇

奇

奇

乾



二地天



奇

奇

耦

兌



三天地



奇

耦

奇

離



四地天



奇

耦

耦

震



五天地



耦

奇

奇

巽



四天地



耦

奇

耦

坎



五天地



耦

耦

奇

艮



六地地



耦

耦

耦

坤



三天純奇曰乾☰二天依一地復奇而耦曰兌☱二天  
間一地奇耦而奇曰離☲一天依二地奇而復耦曰震  
☳一地依二天耦而復奇曰巽☴二地間一天耦奇而  
耦曰坎☵二地依一天復耦而奇曰艮☶三地純耦曰  
坤☷遂畫為☰☷☷☷☷☷之卦卦於是乎小成  
復於一卦之上各加之八八卦相錯而為六十四卦於  
是乎大成是以小成因大成大成因小成各具天地之  
中太極為奇耦之中三為五中五為十中具備天地之

數而成六爻不假作為而莫非自然於是畫三卦八開闢一天地推出無窮天地蘊藏無窮天地小成之八大成之六十四小衍之十大衍之五十天數二十五合而為五十地數三十合而為六十五十為著數其德圓如天六十為卦數其德方如地六乾之六為三十六為乾之策四坤之六為二十四為坤之策一二三四五為奇卦之策六七八九十為揲扚之策七七四十九為著之用以象天其一為不用之用以象太極八八六十四為

卦之體以象地其四為不易之體以象太極始於奇耦  
一天地終于著卦一天地故卦畫重卦著策無不備於  
河圖著乎八卦之中矣此宓犧氏之所以聖也及周文  
王一卦之上遂各加八而遂重之因其本然而無我其  
間兩兩而重分為上下著其義而為之名繫之辭以明  
其理兩兩反對以示其變以連山起艮歸藏起坤皆非  
河圖天地之固有乃首乾坤而命之為易易變易也所  
以變易宓犧之卦盡道之變而為萬世之用也故為

乾上 乾 坤下 坤 震下 屯 坎下 蒙 乾下 需 坎下 訟 坎下 師

坤下 比 乾下 小 兌下 履 乾下 泰 坤下 否 離下 同人 乾下 大有

坎上 謙 坤下 豫 震下 隨 巽上 蠱 兌下 臨 坤下 觀 震下 噬

離下 賁 坤下 剝 震下 復 震下 无 乾下 大 震下 頤 巽下 大

坎上 坎 離上 離 艮上 咸 震上 恒 艮下 遯 乾下 大 坤下 晉

離下 明 離下 家 兌下 睽 艮下 蹇 坎下 解 兌下 損 震下 益

乾下 夬 巽下 姤 坤下 萃 巽下 升 坎下 困 巽下 井 離下 草

離上 鼎 震下 震 艮下 艮 艮上 漸 兌下 歸 離下 豐 艮下 旅



巽下



巽上



兌上



坎下



震上



巽中



震小



巽上



坎下



離上



濟



六十四卦分為二篇上經起於乾坤終於坎



離下經起於咸恒終於未濟雖皆本於八卦由其變動



綜錯故其位置不同仲尼贊易乃於天一地二易有太



極明交犧畫卦之本而皆倍起一本於數於天地定位



山澤通氣雷風相薄水火不相射明交犧八卦之位則



乾上坤下離東坎西兌東南艮西北震東北巽西南由

乾而左則乾一兌二離三震四由巽而右則巽五坎六


乾而左則乾一兌二離三震四由巽而右則巽五坎六


艮七坤八分而為二而皆反對於序卦有天地然後有萬物有男女然後有夫婦明文王重卦之序亦分而為二而皆反對於帝出乎震齊乎巽相見乎離致役乎坤說言乎兌戰乎乾勞乎坎成言乎艮明文王八卦之位則乾西北坎正北艮東北震正東巽東南離正南坤西南兌正西乾統三男坤統三女退位錯處以用為位而不反對然而自宓犧畫卦而畫前之易始著自文王重卦而畫後之易始備於是宓犧之卦不復特見而盡為

周易矣蓋宓犧之卦即有文王之重文王之重舉是宓  
犧之卦故仲尼謂宓犧之罔罟佃漁則取諸離神農之  
耒耨之利則取諸益黃帝堯舜之垂衣裳則取諸乾坤  
未嘗重卦已有其象故又謂八卦成列象在其中因而  
重之爻在其中則易宓犧之先天八卦乃文王之先天  
重卦乃周孔之先天故周公為爻辭孔子作十翼以聖  
繼聖不敢舍犧文而自為殆天下之理不能外夫是矣  
其後揚雄為太玄闢朗為洞極司馬光為潛虛皆以準





易而不由犧文卒皆重複造鑒雖揚雄之太玄得數之理而方州部家一定而不易不能如八卦之可以錯綜為卦從橫成象而不離奇耦二畫之本然是以不免於屋下架屋牀上疊牀之譏矣至康節先生出此圖脗合犧文之卦自其重而觀之則皆文王之卦也自其純而觀之則皆宓犧之卦也自一卦而為八則皆始畫之序也合八卦而為圖則皆河圖之位也故圓圖其始分河圖之數未分畫重卦則有此圖






以著固有故易有太極即所謂環中與心也乃圖之中  
虛者此也




一分为二是生兩儀即卦  
之初畫一陰一陽此也

二分为四故兩儀生四象  
即卦之二畫一陰一陽各  
兩之此也




四分為八故四象生八卦  
即卦之二畫二陰二陽又  
各兩之此也

八分為十六即重之四畫  
四陰四陽各兩之此也




十六分為三十二即重之  
五畫八陰八陽各兩之此  
也

三十二分為六十四即重  
之六畫十六陽十六陰各  
兩之此也



中分二體各具四卦橫列  
六位分為內外其內祇一  
陰一陽其外亦皆一陰一  
陽祇固有之天一地二其  
序不紊自左而右自陽而  
陰皆太極固有之兩河圖  
本然之十故成此圖既分  
而為重而為卦乃成此圖





左三十二卦自一陽為復至六陽為乾內皆陽畫為乾  
兌離震四卦自震向乾左旋其卦外皆各具乾兌離震  
巽坎艮坤亦皆自震向乾左旋右三十六卦自一陰為  
姤至六陰為坤內皆陰畫為巽坎艮坤四卦自姤背乾  
右轉其卦亦皆各具乾兌離震巽坎艮坤亦皆自姤背  
乾右轉是圖本以說卦天地定位一節下數往者順知  
來者逆是故易逆數也為法故先生謂數往者順知來  
者逆若順天而行是左旋也皆已生之卦也故數往也



逆天而行是右行也皆未生之卦也故知來也夫易之數由逆而成爾此制圖之本意也故其內之一陰一陽而統夫八者不易之體也外之陰陽相錯而各具夫八者變易之用也變雖八而不變其序者雖易而不易也乾直午坤直子陰陽之極也離居東坎居西陰陽之中也震巽兌艮居於四隅陰陽之偏也乾兌離震在天為陽在地為剛巽坎艮坤在天為陰在地為柔四象於是乎具八卦以之分也陰生於午而並乾陽生於子而並

坤陰根陽陽根陰也乾盡午中坤盡子中窮則變也  
剝復夾坤夬姤夾乾死生之交變通之本雖盡而不  
盡陰陽之幾要造化之原委太極之本然所以易與  
天地準乾坤毀則無以見易者也故先生謂天生於  
動者也地生於靜者也一動一靜交而天地之道盡  
矣動之始則陽生焉動之極則陰生焉一陰一陽交  
而天之用盡矣靜之始則柔生焉靜之極則剛生焉  
一剛一柔交而地之用盡矣又謂無極之前陰含陽

也有象之後陽分陰也陰為陽之母陽為陰之父故  
母孕長男而為復父生長女而為姤是以陽始於復  
而陰起於姤也自乾至復陰在陽中則陰逆行自坤  
至姤陽在陰中則陽逆行自復至乾則陽在陽中皆  
順行自姤至坤則陰在陰中亦皆順行於是天地相  
銜陰陽相交晝夜相雜剛柔相生其理自然而其變  
無窮其皆本於乾者先生謂陽尊而神尊故後物神  
故藏用又謂陽者道之用陰者道之體陽幾於道故

以況道也是以圖自中起而止於中始於乾而終於坤也乾兌離震居東南為陽而震離為春當丑寅卯兌乾為夏當辰巳午巽坎艮坤居西北為陰而巽坎為秋當未申酉艮坤為冬當戌亥子乾知大始坤作成物也故先生謂乾坤定上下之位坎離列左右之門天地之所開闢日月之所出入是以春夏秋冬晦朔弦望晝夜長短行度盈縮莫不由乎此矣此圓圖之理也圖之既為圓而備之矣又為方以變之者復

推本三聖脗合一易以盡卦畫之變也其在圖之中  
者象爻攝變圖畫卦之始也



按大傳著之德圓而神卦之德方以知神以知來知以藏往圓方之丈昉乎此仲尼以之贊著卦也圖所以盡著卦之理也圓象天天象道信以知來太始之體盡矣方象地地效法屈以藏往成物之用盡矣故先生謂圓者河圖之數方者洛書之丈圓者徑一圍三重之則六方者徑一圍四重之則八裁方而為圓天所以運行分大而為小地所以化生天變方而為圓而常存其一地分一而為四常執其方圓者尅方以為用方者引圓以



為體天以體為基而隱其基地以用為本而赫其用故既  
為之圓而又為之方也圓方相乘八卦相盪天覆地地載  
天天地相合天中有地地中有天地下有天天上有地天  
體動一氣旁薄運轉而不移窮上而不窮地體靜一脈錯  
綜迴環而不易極下而不極可謂盡天地之情狀而見天  
地之心矣故希夷謂龍圖天散而示之宓犧合而用之仲  
尼默而形之言天以太極兩儀四象八卦之象列而示之  
人宓犧則畫為乾兌離震巽坎艮坤用而合諸天仲尼則

為太極兩儀四象八卦之言以形其所以然也故陳溪則  
推出太極本然一物而具兩體動靜相根陰陽之精互藏  
其宅者合一坎離并五行二氣以示之象先生則舉太極  
八卦之全具於未畫之前推本究犧之卦倍而相因具於  
已畫之後錯綜文王之重為六十四者合而為之圖既為  
之圖又為之方以盡四聖人之意一易之變也故方圖

乾一

坤八

否

艮七

遯

坎六

訟

巽五

姤

震四

无

離三

同人

兌二

履

乾一

乾

兌二

艮七

萃

兌二

咸

兌二

困

兌二

過

兌二

隨

兌二

萃

兌二

兌

兌二

夬

離三

晉

旅

鼎

噬

離

睽

大有

震四

豫

小過

解

恒

震

豐

歸妹

巽五

觀

漸

渙

巽

益

家人

孚

坎六

比

蹇

坎

井

屯

濟

節

艮七

剝

艮

蒙

益

頤

賁

損

坤八

坤

謙

師

升

復

明

臨

從橫逆順左右上下其卦皆八以圓圖之左旋者乾兌離


震自下而上橫疊之皆四行其下皆純卦其初畫皆陽也

其上各具八卦其序則亦乾兌離震巽坎艮坤順而不紊也。以圓圖之右轉者巽坎艮坤復自下而上橫疊之亦四行置於震之上其下亦皆四純卦其初畫皆陰也其上亦各具八卦其序亦不紊其乾兌離震巽坎艮坤於是陽下而陰上乾始於西北坤盡於東南否隔於西南泰交於東北地南天北地下有天陰南陽北陰中有陽由西北自下而上觀由西南自上而橫觀由東南自上而下觀由西南自否直泰而斜觀由西北自乾直坤而斜觀隨行而上觀

復隨行而橫觀皆不紊其乾兌離震巽坎艮坤之序破圜  
為觚反上倒下而充周縝密停當妥帖一無矯揉造鑿之  
私而莫非自然此方圖之理也始則坤下而乾上今乃乾  
下坤上以體為用交為一泰始則渾渾沌沌形圓而不可  
破終則紛紛紜紜闐闐而不可亂布散退藏陰陽不測順  
而數之則知天地之已然逆而致之則知天地之將然破  
壞無窮天地推出無窮天地再造一易而不外乎義文周  
孔圓圖既盡其妙方圖復盡其變一以見其體一以見其

用一則為奇一則為耦一物而具二體亦一太極也前乎  
宓犧有易而無畫後乎宓犧有畫而無文至乎文王有文  
而無說至乎孔子有文而有說於是不可復加矣由孔子  
而來學者忘夫易與畫而不勝其文與說又入于術數而  
壞于穿鑿故先生胎合犧文置易畫前裁為圓方蘊易畫  
後不為辭說一掃秦漢以來千五百年支文蔓語於仲尼  
氏之後復立一宓犧氏以著本然之易嗚呼先生之學可  
謂幾於聖矣

一貫圖說




道本於一行於二復於一靜者一之體也動者一之用也動所以行夫靜二所以終夫一也一動一靜道有太極而理之體具矣極信而長神則生矣極屈而消鬼則生矣一二生三數則生矣奇耦具兩象則生矣神鬼數象是生萬變理之用具矣一動生陽一靜生陰一陰一陽太極有天而氣之體具矣陽精煇麗日則生矣陰魄分曜月則生矣陽暉昭布星則生矣陰體潛構辰則生矣日月星辰是生萬象氣之用具矣靜陰生柔動陽生



剛一剛一柔太極有地而形之體具矣一剛化柔水則生矣一柔化剛火則生矣剛根於柔木則生矣柔蘊於剛金則生矣水火木金是生萬物形之用具矣動靜有理陰陽有氣剛柔有形五行八卦合為一易乾道成男坤道成女一男一女太極有人德之體具矣靜陰不易命則生矣動陽變易性則生矣剛宰不易心則生矣柔見變易情則生矣命性心情是生萬事德之用具矣道形而上推而下之貫極而為一理貫天而為一氣貫地

而為一形貫人而為一德而道之大體具人形而下推  
而上之貫已之一德貫地之一形貫天之一氣貫極之  
一理而道之大用具於是道貫天地人理貫氣形德人  
貫地天道德貫形氣理而上下一道一理貫萬變一氣  
貫萬象一形貫萬物一德貫萬事而從橫一道神貫鬼  
數象日貫月星辰水貫火木金命貫性心情而始終一  
道動貫陽剛男靜貫陰柔女變貫象物事事貫物象變  
而反復一道故孔子謂吾道一以貫之其理蓋如是矣

然而道之功用委之太極著之天地萬物而歸之人人必一其德而後可復歸于道故人得其道則謂之德失其道則謂之不德必立命養性存心制情以一其德而致諸道人得其道則天地萬物得其道人失其道則天地萬物悖其道故孔子又謂一日克己復禮天下歸仁焉以道觀人則道貫人以人觀道則人貫道人能貫道然後可以踐形下學上達乘化入聖盡在是矣



陵川集卷十六